



## DASAR KESELAMATAN DAN KESIHATAN PEKERJAAN MARA

Majlis Amanah Rakyat (MARA) adalah bertanggungjawab untuk memastikan keselamatan dan kesihatan bagi semua warga kerja, pelajar IPMa, pelanggan dan orang-orang yang berkepentingan bebas daripada sebarang bentuk perbuatan atau keadaan tidak selamat yang mungkin terjejas oleh aktiviti-aktiviti di Pusat Pentadbiran MARA selaras dengan Akta Keselamatan dan Kesihatan Pekerjaan 1994 dan Akta Kilang dan Jentera 1967. Pengurusan dan warga kerja akan bekerjasama untuk mencegah sebarang kemungkinan kecederaan dan penyakit daripada insiden yang berlaku di tempat kerja.

Dasar-dasar Keselamatan dan Kesihatan Pekerjaan MARA meliputi pelaksanaan perkara-perkara berikut:

1. Menyediakan, mengurus dan menyelenggarakan suatu tempat dan sistem kerja yang berkualiti, selamat serta sihat dari sebarang *hazard* dan risiko
2. Memastikan bahawa warga kerja dan pelajar IPMa diberi maklumat, arahan, latihan dan penyeliaan berkenaan kaedah untuk melaksanakan tugas dengan selamat dan tanpa risiko kepada kesihatan
3. Menyiasat semua insiden, penyakit pekerjaan, keracunan pekerjaan dan kejadian berbahaya serta mengambil langkah-langkah setakat yang praktik bagi memastikan kejadian-kejadian tersebut tidak berulang
4. Mematuhi kehendak-kehendak perundangan dan keperluan-keperluan lain mengenai keselamatan dan kesihatan sebagaimana ditetapkan di dalam Akta Keselamatan dan Kesihatan Pekerjaan 1994, Peraturan-Peraturannya dan tataamalan yang diluluskan
5. Menyediakan dan memastikan mesin, peralatan dan bahan-bahan yang digunakan dalam keadaan baik dan selamat
6. Menyediakan kemudahan-kemudahan kebajikan bagi semua warga kerja
7. Mengkaji semula dasar ini apabila perlu

Semua warga kerja dan pelajar perlu memainkan peranan masing-masing untuk mematuhi semua strategi yang telah dirancang oleh MARA untuk mencapai objektif dasar ini.

  
DATO' AZHAR BIN ABDUL MANAF  
Ketua Pengarah  
MARA

Tarikh : 2 // 11 // 2022